

Bank Dunia unjur Ekonomi Malaysia lebih baik 2017

Oleh NUR HANANI AZMAN
ekonomi@utusan.com.my

■ KUALA LUMPUR 5 OKT.

BANK Dunia mengunjurkan pertumbuhan ekonomi Malaysia lebih baik pada 2017 dan 2018 didorong oleh pemulihan harga minyak dan eksport.

Ketua Ekonomi bagi Asia Timur dan Pasifik, Sudhir Shetty berkata, pemulihan itu disebabkan oleh peningkatan harga minyak tetapi kadar pertumbuhannya tidak sama seperti direkodkan pada 2014.

Katanya, Bank Dunia meramalkan pertumbuhan ekonomi Malaysia pada 2017 dan 2018 berupaya mencapai kadar melebihi



Bank Dunia meramalkan pertumbuhan ekonomi Malaysia pada 2017 dan 2018 berupaya mencapai kadar melebihi paras empat peratus seperti yang disasarkan tahun ini."

SUDHIR SHETTY
Ketua Ekonomi bagi Asia Timur dan Pasifik



paras empat peratus seperti yang disasarkan tahun ini.

"Keluaran Dalam Negara Kasar

(KDNK) pada 2016 diunjur perlahan kepada 4.2 peratus berbanding sasaran awal 4.4 peratus

yang dibuat pada April lalu.

"Selain faktor minyak dan eksport perkilangan yang terjejas disebabkan permintaan global yang lemah, perbelanjaan sektor awam dan swasta juga dilihat perlahan," katanya kepada pemberita Malaysia melalui sidang video dari Washington DC di sini hari ini.

Secara keseluruhan, pertumbuhan ekonomi negara membangun di Asia Timur dan Pasifik dijangka kekal berdaya tahan dalam tempoh tiga tahun akan datang, berkembang pada kadar 5.8 peratus tahun ini dan 5.7 peratus pada 2017-2018.

Sementara itu, meskipun Bank Dunia menjangkakan China mengalami pertumbuhan yang lebih perlahan, namun ia lebih mam-

pan daripada 6.7 peratus pada 2016 kepada 6.5 peratus pada 2017 dan 6.3 peratus pada 2018.

Shetty berkata, prospek pertumbuhan ekonomi buat Filipina adalah lebih kukuh pada 6.4 peratus untuk 2016 dan Vietnam yang dijangka pulih kepada 6.3 peratus pada 2017.

Tambahnya lagi, Indonesia dijangka menyaksikan peningkatan beransur-ansur dalam pertumbuhan kepada 5.5 peratus pada 2018 daripada 4.8 peratus pada 2015.

"Meskipun prospek yang menggalakkan, pertumbuhan rantau ini masih terdedah kepada risiko ketara kerana kelembapan kewangan global akan menguji daya tahan ekonomi Asia Timur," katanya.